

TOČKA 3.

INFORMACIJE O PROVEDENIM I TEKUĆIM AKTIVNOSTIMA UO UPFBiH

U izvještajnom periodu Udruženje poslodavaca u FBiH realizovalo je niz aktivnosti usmjerenih na jačanje socijalnog dijaloga, unapređenje poslovnog ambijenta, zaštitu interesa poslodavaca, realizaciju međunarodnih projekata i institucionalno jačanje Udruženja. Aktivnosti su realizovane kroz rad organa Udruženja, saradnju sa institucijama vlasti, međunarodnim organizacijama i članstvom, kao i kroz javno zagovaranje ključnih ekonomskih reformi.

U proteklom periodu UPFBiH je poduzimalo sljedeće aktivnosti:

RADNO ZAKONODAVSTVO I TRŽIŠTE RADA

Zakon o radu

Dostavljene detaljno obrazložene primjedbe na predloženi tekst zakona.

Udruženje nije dalo podršku konačnom prijedlogu Zakona o radu zbog negativnih posljedica po privredu.

Insistirano na:

- usklađivanju sa praksom Evropske unije,
- fleksibilnijim rješenjima,
- zaštiti konkurentnosti privrede,
- očuvanju održivosti poslovanja poslodavaca.

U petak 26.05. 2026. godine ponovno Federalnom ministarstvu rada i socijalne politike upućen dopis sa zahtjevom za dostavljanje teksta Prednacrtu UPFBiH

Zakon o posredovanju u zapošljavanju

Aktivno učesće UPFBiH u pripremi i usaglašavanju Zakona o posredovanju u zapošljavanju i socijalnoj sigurnosti nezaposlenih osoba. Udruženje lobiralo prema nadležnim institucijama vezano

Zapošljavanje stranaca

Aktivno učestvovanje u pripremi Zakona o zapošljavanju stranaca. Zakon o zapošljavanju stranaca usvojen i objavljen u službenim novinama. Usvajanjem Izmjena i dopuna zakona o strancima dovelo je do:

- pojednostavljenja procedura,
- ubrzanja izdavanja dozvola,
- lakšeg pristupa radnoj snazi za privredu.

Pokrenuta inicijativa prema MVP BiH za olakšavanje izdavanja D viza za strane radnike.

AKTIVNOSTI VEZANE ZA PROFESIONALNE VOZAČE I TRANSPORTNI SEKTOR

Problem boravka profesionalnih vozača u EU

UPFBiH je zajedno sa Unijom poslodavaca RS, privrednim komorama, predstavnicima logističkog sektora, provodilo koordinirane aktivnosti radi rješavanja problema boravka profesionalnih vozača u državama EU.

Upućene inicijative prema:

- Vijeću ministara BiH,
- Ministarstvu vanjskih poslova BiH,
- Ministarstvu komunikacija i transporta BiH.
- Pokrenuta inicijativa za sastanak sa Vladom Republike Hrvatske.
- Upućeni dopisi ambasadama država EU:
- Njemačka,
- Austrija,
- Slovenija i dr.
- Održani sastanci sa Delegacijom EU u BiH.
- Saradnja sa Konzorcijem „Logistika BiH“
- Održan sastanak u Vladi FBiH sa predstavnicima Konzorcija „Logistika BiH“.
- Razmatrani problemi međunarodnog transporta i funkcionisanja robnog saobraćaja.
- Usvojeni zaključci za unapređenje uslova poslovanja transportnog sektora.

Republika Hrvatska usvojila Zakon o strancima kojim je značajno olakšan položaj vozača u EU

OSNIVANJE GRUPACIJA I JAČANJE ORGANIZACIONE STRUKTURE

Osnovana **Grupacija poslodavaca Hercegovačko-neretvanskog kantona**. Time je:

proširena teritorijalna zastupljenost UPFBiH,

ojačano prisustvo Udruženja na terenu,

unaprijeđena direktna komunikacija sa članstvom.

Pripremljeni akti za osnivanje Grupacije poslodavaca za djelatnost poslovnih servisa i IT pri UPFBiH.

FISKALNE REFORME I POSLOVNI AMBIJENT

Dostavljene stručne primjedbe na Nacrt zakona o fiskalizaciji transakcija.

ZDRAVSTVENO OSIGURANJE I BOLOVANJA

Pokrenute inicijative za izmjene Zakona o zdravstvenom osiguranju.

U skladu sa usvojenim zaključcima na Tematskoj sjednici ESV-a FBiH održanoj dana 03.03.2026. godine kojim je predviđeno formiranje Radne grupe za detaljnu analizu dostavljenih prijedloga za izmjene Zakona o zdravstvenom osiguranju i Pravilnika o postupku i kriterijima za utvrđivanje privremene spriječenosti za rad osiguranika, delegacije ESV-a FBiH nominirale svoje članove formirana je Radna grupa koja je radila na izradi Pravilnika. Radnu grupu činili su:

1. Adnan Delić (delegacija Vlade FBiH)
2. Nediljko Rimac (delegacija Vlade FBiH)
3. Samir Kurtović (delegacija Sindikata)
4. Zijad Latifović (delegacija Sindikata)
5. Nihad Imširović (delegacija Udruženja poslodavaca u FBiH)
6. Mario Nenadić (delegacija Udruženja poslodavaca u FBiH)

Pored navedenih predstavnika u Radnoj grupi bili su i tri neovisna eksperta iz oblasti zdravstvene zaštite.

Radna grupa je u proteklom periodu razmatrala:

- Zakon o zdravstvenom osiguranju („Službene novine Federacije BiH“, br. 30/97, 7/02, 70/08, 48/11, 36/18 i 61/22) i prijedlog UPFBiH
- Pravilnik o postupku i kriterijima za utvrđivanje privremene spriječenosti za rad osiguranika („Službene novine Federacije BiH“, broj: 3/17).

Radne grupa koja je imala zadatak da izvrši analizu postojećeg Zakona o zdravstvenom osiguranju FBiH te Pravilnika o postupku i kriterijima za utvrđivanje privremene spriječenosti za rad osiguranika je završila sa radom i ista **je zaključila da je na osnovu izvršenih analiza, neophodno pristupiti izradi teksta novog Zakona o zdravstvenom osiguranju FBiH te teksta novog Pravilnika o postupku i kriterijima za utvrđivanje privremene spriječenosti za rad osiguranika.**

Nakon održanih pet sastanaka Radna grupa je usaglasila tekst novog Pravilnika o postupku i kriterijima za utvrđivanje privremene spriječenosti za rad osiguranika koji će biti predmet rasprave na ESV FBiH.

Zakon o zdravstvenom osiguranju FBiH je kompleksan i za isti će trebati više vremena za njegovo usaglašavanje kako članova Radne grupe tako i sa onima koji po ustavu imaju nadležnost za izjašnjenje o ovom zakonskom rješenju.

TRGOVINA

Aktivnosti u sektoru trgovine

Pokrenute inicijative vezane za:

- Zakon o unutrašnjoj trgovini,
- „Zaključane cijene“,
- Zakon o zaštiti potrošača,
- internet trgovinu,
- nelojalnu konkurenciju,
- rad dragstora.

Grupacija trgovaca UPFBiH održala je 18. maja 2026. godine sastanak kojim su predsjedavali predsjedavajući Grupacije Ramiz Mušić i direktor UPFBiH Mario Nenadić, a prisustvovali su članovi Radne grupe za pripremu propisa iz djelokruga trgovine i za koordiniranje aktivnosti iz djelokruga Federalnog ministarstva trgovine.

Na sastanku je razgovarano o aktuelnim propisima iz oblasti trgovine, odnosno o Zakonu o unutrašnjoj trgovini, Prijedlogu zakona o iznimnim mjerama kontrole cijena, Prijedlogu zakona o zaštiti potrošača, Prijedlogu zakona o e-trgovini kao i o turističkoj taksi za trgovce, Zakonu o fiskalizaciji transakcija FBiH, te o Odluci o izmjeni odluke o propisivanju mjere neposredne kontrole cijena određivanjem najvišeg nivoa cijena za pojedine proizvode i Odluci o propisivanju mjere neposredne kontrole cijena određivanjem najvišeg nivoa maloprodajnih cijena pšeničnog hljeba. Jedna od tema sastanaka je bio i Kolektivni ugovor iz oblasti trgovine kao i problematika usaglašavanja ugovora odnosno stavova po pitanju zaštite autorskih i izvođačkih prava (AMUS).

Vezano za propise u oblasti trgovine, poslodavci su nezadovoljni dinamikom usvajanja najavljenog paketa zakona iz oblasti trgovine. Zakon o unutrašnjoj trgovini i dalje izaziva podjelu javnosti, a posebno predstavnika socijalnih partnera. Neradna nedjelja i dalje nije uređena na dogovoren način, nije pripremljen ni u proceduru upućen prijedlog kojim se pod određenim uslovima odobrava rad malih trgovaca, odnosno obrtnika i mesnica, a nisu ni riješena pitanja izuzeća od primjene Zakona. Poslodavci skreću pažnju i na važnost usklađivanja podzakonskih akata sa Zakonom o unutrašnjoj trgovini. Zakon o iznimnim mjerama kontrole cijena upućen je u parlamentarnu proceduru. Tekst Zakona nije dobio podršku Odbora za ekonomsku i finansijsku politiku Parlamenta FBiH, a sjednica Zastupničkog doma PFBiH nije održana prišle sedmice zbog nedostatka kvoruma, dok Zakon o zaštiti potrošača i Zakon o e-trgovini nisu još uvijek u parlamentarnoj proceduri. Poseban problem je nepostojanje Zakona o e-trgovini zbog činjenice da je e-trgovina sve zastupljenija na tržištu u BiH, a tržište nije dovoljno uređeno jasnim i primjenjivim propisima.

Trgovci su negodovali protiv naplate turističke takse koja, posebno u Kantonu Sarajevo, ali i u nekim drugim kantonima FBiH, stvara ozbiljan i neopravdan teret u poslovanju te se traži preispitivanje ovog nameta. Također je zatražena informacija o implementaciji Zakona o fiskalizaciji transakcija FBiH s ciljem što bolje i pravovremene pripreme za primjenu ovog zakona.

Grupacija je također razgovarala i o pitanjima aktuelnih odluka Vlade, odnosno o Odluci o izmjeni odluke o propisivanju mjere neposredne kontrole cijena određivanjem najvišeg nivoa cijena za pojedine proizvode i Odluci o propisivanju mjere neposredne kontrole cijena

određivanjem najvišeg nivoa maloprodajnih cijena pšeničnog hljeba. Zatraženo je da se određena pitanja u vezi primjene ovih odluka dodatno analiziraju i pripreme za sastanak sa ministrom trgovine te je zatraženo od Stručne službe Udruženja da u kontaktu sa Kabinetom ministra pokušaju organizirati sastanak do kraja tekuće sedmice.

Također je zaključeno da u ovoj oblasti nisu na transparentan način riješena pitanja zaštite izvođačkih i autorskih prava te je sugeriran nastavak rada na ovim pitanjima, a obzirom da se radi o pitanjima kolektivnog ugovora na nivou BiH, pitanja će se usko koordinirati sa kompanijama iz RS-a.

Razmatralo se i pitanje kolektivnog ugovaranja između poslodavaca i radnika iz oblasti trgovine te je zaključeno da će se prikupiti dodatne informacije i sagledati zaprimljene inicijative, o čemu će se odgovarajući zaključci usaglašavati na sjednici Upravnog odbora početkom idućeg mjeseca.

Generalna ocjena članova ove grupacije je da se izuzetno puno napora uložilo u usaglašavanja pitanja trgovine što nije rezultiralo očekivanim ciljevima. Potrebno je ubrzati aktivnost, učiniti ih transparentnijim i jasnijim kroz kroz jasno preciziran akcioni plan predstojećih aktivnosti do kraja godine.

ENERGETIKA I CBAM

Aktivnosti prema Elektroprivredi BiH i Federalnom ministarstvu energije. Aktivnosti vezane za:

- zelenu energiju,
- obnovljive izvore energije,
- CBAM politike i propise.

REINDUSTRIJALIZACIJA

Pokrenute aktivnosti vezano za Inicijativu za reindustrijalizaciju.

Održani sastanci sa nadležnim institucijama.

Ispred Udruženja poslodavaca Kantona Sarajeva, Ministarstvu komunalne privrede, infrastrukture, prostornog uređenja, građenja i zaštite okoliša Kantona Sarajevo uputili Inicijativu za pokretanje aktivnosti na pripremi modela za stanove za radnike odnosno radničko stanovanje koju smo uputili

PROJEKTI

Udruženje poslodavaca u FBiH trenutno implementira projekte u sljedećim ključnim oblastima:

◇ Obrazovanje i tržište rada

GOPA / SDC – „Jačanje sistema srednjeg stručnog obrazovanja i obuke u BiH“

◇ Digitalizacija i inovacije

EU (EDIH) – „FusionX

◇ Radne migracije

IOM – „Jačanje upravljanja radnom mobilnošću u BiH kroz etičko zapošljavanje stranih radnika“

◇ Tržište rada i javne politike

ILO – „Zagovaranje javnih politika“

UNFPA – „Istraživanje među poslodavcima o spremnosti za podršku aktivaciji žena na tržištu rada“

◇ Interni razvoj i digitalna transformacija

ILO – „Uspostava baze podataka“

Također, u toku je realizacija **Projekta uspostave baze podataka** s ciljem unapređenja upravljanja informacijama o članstvu i pruženim uslugama, koji finasira ILO.

Projekat podrazumijeva razvoj savremenog sistema za **evidenciju, praćenje i analizu podataka**, koji će omogućiti bolje razumijevanje potreba članica i efikasnije planiranje aktivnosti.

Udruženje poslodavaca u FBiH aktivno je radilo na pripremi i apliciranju novih projekata prema domaćim i međunarodnim donatorima.

Aplicirani su projekti u okviru EU programa „EU4Jobs of the Future“, i to:

- projekat u partnerstvu sa Općinom Centar,
- projekat u partnerstvu sa LINK organizacijom.

Također pokrenuta je i inicijativa prema Federalnom zavodu za zapošljavanje, kao i prema Službi za zapošljavanje Kantona Sarajevo, s ciljem unapređenja programa zapošljavanja i njihovog prilagođavanja potrebama privrede.

Udruženje kontinuirano radi na razvoju partnerske mreže i pripremi novih projekata prema međunarodnim donatorima i institucijama Evropske unije, s ciljem osiguranja dodatne podrške članstvu i unapređenja poslovnog ambijenta u Federaciji BiH.